

2. EPIDENDRUM (*ramosum*) foliis caulinis oblongis, emarginatis, obtusis;
caule ramoso. TAB. CXXXII.

Planta sesquipedalis, ramosa, foliosa, arboribus innascens parasitica. Radices fibrosæ. Rami compressiusculi, glabri, cinerei. Folia oblonga, obtusa, emarginata, coriacea, rigida, avenia, integra, nitida, basi vaginantia, fordide virentia, alterna, sesquipollicaria. Spathæ cordato-ovatæ, acutæ, conniventes. Spicæ laxæ, distichæ, terminales, sesquipollicares, plus minus quadrifloræ. Flores parvi, inelegantes, virentes; in quibus petala sunt rigidiuscula, longitudine æqualia, tria exteriora lanceolata, duo interiora linearia. Nectarii labium inferius est oblongo-cordatum, acuminatum, concavum, rigidum, longitudine petalorum, cujus tertii interioris locum occupat. Antheræ sunt subrotundæ. Germen corollam leviter superat. Reliqua omnia plane sunt, qualia in precedente.

Habitat in Martinicæ sylvis.